



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

RESOLUCIÓN DA ALCALDÍA.-

Asunto: Organización municipal tras o cambio de Alcaldía. Xunta de Goberno Local. Membros e competencias.

Expediente: 2025/X998/000057; 2025/G003/000586

Esteban Ares García, Alcalde do Concello de Lousame, no uso das facultades que me confire a Lei 7/1985, de 2 de abril, reguladora das Bases do Réxime Local (LRBRL).

Antecedentes Administrativos:

A Corporación para o mandato 2023-2027, quedou constituída en virtude da sesión constitutiva que tivo lugar o 7 de xullo de 2023, como consecuencia das eleccións locais convocadas polo Real Decreto 207/2023, do 3 de abril (BOE do 4 de abril), na que resultou elixida como Alcaldesa, dona M^a Teresa Villaverde Pais.

Logo da renuncia ao cargo de Alcaldesa efectuada por D^a M^a Teresa Villaverde Pais, da que se tomou coñecemento, na sesión plenaria do día 16/09/2025, procedeuse á elección da nova Alcaldía para o restante mandato Corporativo, na sesión plenaria do día 18/09/2025. Tras estes cambios, é procedente determinar un novo réxime de organización e funcionamento do Concello de Lousame.

Lexislación Aplicable:

1. Lei 7/1985, de 2 de abril, reguladora das Bases do Réxime Local (LRBRL)
2. Regulamento Orgánico Municipal, BOP núm. 294 do 22.12.2007 (ROM)
3. Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROF)

Fundamentación xurídica:

O artigo 20 da LRBRL establece que a Xunta de Goberno Local (XGL) existe en todos os municipios con poboación superior a 5.000 habitantes e nos de menos, cando así o dispoña o seu regulamento orgánico ou así o acorde o Pleno do Concello.

O artigo 11.1.c) do Regulamento Orgánico Municipal (ROM) sinala que a Xunta de Goberno Local é un órgano básico de organización do Concello de Lousame.

O artigo 23 da LRBRL e artigo 76.1 do ROM establecen que a XGL está integrada pola Alcaldía e un número de concelleiros non superior ao terzo do número legal de membros da Corporación ($11/3=3,6$; logo, un máximo de tres concelleiros); concelleiros nomeados e separados libremente pola Alcaldía, dando conta ao Pleno Corporativo.

Tal e como sinalan o artigo 23 da LRBRL e artigo 76.2 do ROM, corresponde á XGL:

- a) A Asistencia á Alcaldía, no exercicio das súas atribucións.
- b) As atribucións que a Alcaldía ou outro órgano municipal lle delegue ou lle atribúan as leis.

Considerando que o artigo 77.2 do ROM de Lousame establece que corresponde á Alcaldía fixar mediante decreto a periodicidade e o día e a hora das sesións ordinarias da Xunta de Goberno Local.

Tendo en conta que a Alcaldía pode delegar parte das súas competencias na Xunta de Goberno local coas formalidades e requisitos establecidos nos artigos 43, 44, 45 e 114 a 118 do ROF

Por todo o anterior, **RESOLVO:**



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Primeiro: Nomear aos seguintes concelleiros e concelleiras membros da Xunta de Goberno Local do Concello de Lousame:

- Dona Silvia Agrafojo Filgueira
- Don Ramón Manuel Martínez Rial
- Don José Antonio Ces Barreiro

Segundo: Delegar na Xunta de Goberno Local as competencias da Alcaldía, relativas ás seguintes materias:

1. **OEP** (artigo 21.1.g LRBRL): a aprobación da oferta de emprego público de acordo co Orzamento e o cadro de persoal aprobado polo Pleno Corporativo.
2. **Contratos patrimoniais** (DA 2ª Lei 9/2017, do 8 de novembro, de Contratos do Sector Público): a adxudicación de concesións sobre os bens municipais e a adquisición de bens inmoables e dereitos suxeitos á lexislación patrimonial cando o orzamento base de licitación, nos termos definidos no artigo 100.1 da LCSP, non supere o 10% dos recursos ordinarios do orzamento nin o importe de 3.000.000 €; así como o alleamento do patrimonio, cando o seu valor non supere a porcentaxe nin a contía indicadas. Do mesmo xeito, a autorización e disposición dos gastos.
3. **Contratos administrativos e privados** (DA 2ª Lei 9/2017, do 8 de novembro, de Contratos do Sector Público): a devolución da garantía definitiva constituída, naqueles expedientes de contratación que sexan competencia da Alcaldía-Presidencia ao abeiro da DA 2ª da Lei de Contratos do Sector Público.
4. **Subvencións** (Lei 38/2003, do 17 de novembro, Xeral de Subvencións e Lei 9/2007, do 13 de xuño, de subvencións de Galicia): competencias en materia de subvencións suxeitas a un procedemento de concorrència competitiva (*quedando excluídas, por tanto as subvencións nominativas, axudas de emerxencia social e subvención para festexos populares sen concorrència*), en concreto:
 - a. Aprobación das bases reguladoras.
 - b. Acordo de concesión ou denegación da subvención.
 - c. Acordo de verificación e aprobación da conta xustificativa
 - d. Acordos de reintegro e imposición de sancións.
5. **Planeamento urbanístico** (artigo 21.1.j LRBRL): as aprobacións dos instrumentos de planeamento de desenvolvemento do planeamento xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización.
6. **Competencias urbanísticas no ámbito local** (artigo 21.1.q LRBRL e artigos 142 e seguintes da Lei 2/2016, do 10 de febreiro, do Solo de Galicia):
 - a. Outorgamento das **licencias urbanísticas** que teñen por finalidade o sometemento ao control municipal dos actos de edificación e uso do solo, definidos no artigo 142.2 da Lei do Solo de Galicia:
 - i. Actos de edificación e uso do solo e subsolo que precisen de proxecto de obras de edificación
 - ii. Intervencións en inmoables declarados BIC ou catalogados.
 - iii. Demolicións





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

- iv. Muros de contencións de terras
 - v. Grandes movementos de terras e explanacións
 - vi. Parcelacións, segregacións ou outros actos de división de terrenos
 - vii. Implantación de calquera uso residencial
 - viii. Tala de masas arbóreas ou de vexetación arbustiva
- b. Declarar completa a documentación presentada no procedemento para a tramitación das **comunicacións previas**; así como adoptar as medidas provisionais que se entendan oportunas para evitar toda alteración da realidade en contra da ordenación urbanística aplicable.
 - c. **Caducidade** das licencias: Concesión de prórrogas nos prazos das licencias urbanísticas; declaracións de caducidade das licencias.
 - d. Control municipal dos actos relacionados no artigo 142 da Lei do Solo de Galicia que promovan órganos **doutras Administracións Públicas** ou de dereito público.
 - e. **Protección da legalidade urbanística**: adopción dos acordos que poña fin aos expedientes de reposición da legalidade urbanística de competencia municipal; reservándose a Alcaldía a incoación do expediente, a suspensión inmediata dos actos e adopción das medidas cautelares que procedan.
 - f. **Infraccións e sancións urbanísticas**: exercicio da potestade sancionadora de competencia municipal.
7. **Competencias en materia de actividades no ámbito local** (artigo 21.1.q LRBRL e artigos 23 a 30 da Lei 9/2013, do 19 de decembro, do Emprendemento e da competitividade económica de Galicia). Sen embargo, o control administrativo dos establecementos abertos ao público nos que se desenvolvan espectáculos públicos ou actividades recreativas e a organización de espectáculos públicos e actividades recreativas (Título III da Lei 9/2013, do 19 de decembro) será competencia da Alcaldía.

Terceiro: Os acordos adoptados pola Xunta de Goberno Local, no exercicio das competencias delegadas, deberán indicar a dita circunstancia. O órgano competente para a resolución do recurso de reposición contra os ditos acordos será a Alcaldía, na aplicación do artigo 9.2.c) da Lei 40/2015, do 1 de outubro, que prohíbe a delegación das competencias relativas á resolución de recursos.

Cuarto: Estas delegacións estarán en vigor durante o mandato corporativo 2023-2027, sen prexuízo da súa modificación, ampliación, revogación ou avocación polos trámites legalmente establecidos.

Quinto: A Xunta de Goberno Local celebrará unha sesión ordinaria en cada mes natural, salvo que non existan asuntos que tratar. Será convocada coa antelación mínima de 24 horas. O día e hora concretos (para a primeira convocatoria) serán fixados pola Alcaldía atendendo ás circunstancias concorrentes, por razón de operatividade e para o bo funcionamento do Concello. De non existir quórum na primeira convocatoria, a Xunta de Goberno Local reunirse unha hora despois, en segunda convocatoria.

Sexto: Notificar persoalmente aos designados, a presente resolución, que se considerará aceptada tacitamente, salvo manifestación expresa en contrario.

Sétimo: A presente resolución será efectiva dende o día seguinte ao da súa data e será publicada no Boletín





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Oficial da Provincia, con indicación de que pon fin á vía administrativa e contra a cal se poderá interpoñer, potestativamente, recurso de reposición ante o mesmo órgano que ditou o acto, no prazo dun mes contado a partir do día seguinte ao da recepción da notificación da presente ou desde a súa publicación; ou ben, directamente, recurso contencioso-administrativo ante o xulgado que corresponda, dentro do prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente.

Oitavo: Dar conta da presente Resolución ao Pleno na seguinte sesión que teña lugar.

Asinado en Lousame, por medios electrónicos, polo Alcalde, Esteban Ares García; do que eu, Paula Ares Otero, como secretaria e para os únicos efectos de fe pública, dou fe (R.D.128/2018, do 16 de marzo).



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).